

ა(ა)იპ სენაკის მუნიციპალიტეტის საზოგადოებრივი

ჯანდაცვის ცენტრის 2024 წლის

ა ნ გ ა რ ი შ ი

ა(ა)იპ სენაკის მუნიციპალიტეტის საზოგადოებრივი ჯანდაცვის ცენტრის 2024 წლის ანგარიში

„საზოგადოებრივი ჯანმრთელობის შესახებ საქართველოს კანონის მუხ. 36-ის ადგილობრივი თვითმმართველობის ერთეულების უფლებამოსილებები საზოგადოებრივი ჯანმრთელობის სფეროში” - შესაბამისად საზოგადოებრივი ჯანდაცვის ცენტრს დელეგირებული აქვს შემდეგი უფლებამოსილებები:

1. პრევენციული და ეპიდემიოლოგიური კონტროლის ღონისძიებების გატარება ეპიდსაშიშროების შემთხვევაში.
2. მუნიციპალიტეტის ტერიტორიაზე პირველადი ეპიდკვლევის ხელშეწყობა.
3. პროფილაქტიკური აცრების ეროვნული კალენდრით განსაზღვრული იმუნოპროფილაქტიკისათვის სამინისტროს მიერ მოწოდებული მასალების მიღების შენახვისა და განაწილების უზრუნველყოფა სამედიცინო მომსახურების ამბულატორიისა და პოლიკლინიკებისათვის.
4. მუნიციპალიტეტის ტერიტორიაზე განთავსებული საზოგადოებრივი მნიშვნელობის დაწესებულებებში სანიტარული ნორმების ზედამხედველობა.
5. საგანმანათლებლო - აღმზრდელობით დაწესებულებებში სანიტარული და ჰიგიენური ნორმების დაცვის ზედამხედველობა.
6. საგანმანათლებლო სააღმზრდელო დაწესებულებებში პრევენციული ღონისძიებების განხორციელების ხელშეწყობა.

ა(ა)იპ სენაკის მუნიციპალიტეტის საზოგადოებრივი ჯანდაცვის ცენტრის საშტატო
ერთეული წარმოდგენილია 21 თანამშრომლით:

● ექიმი -8

● არასამედიცინო უმაღლესი განათლებით-8

● საშუალო სამედიცინო განათლებით-4

საზოგადოებრივი ჯანმრთელობის დაცვა და გაუმჯობესება წარმოადგენს ქვეყნის ვალდებულებებს, რომელიც ასახულია ქვეყნის კონსტიტუციასა და ძირითად საკანონმდებლო აქტებში.

სენაკის საზოგადოებრივი ჯანდაცვის ცენტრი უზრუნველყოფს სენაკის მუნიციპალიტეტის დაქვემდებარებაში მყოფ 15 სოფლის სამედიცინო ამბულატორიასა და 10 სამედიცინო დაწესებულებას. ახორციელებს მათ ზედამხედველობას, კონტროლსა და ინფექციების პრევენციას. კერძოდ, ბავშვთა საავადმყოფო, არქიმედეს კლინიკა, დიომედ+ (დევნილთა პოლიკლინიკა) კლინიკა მკურნალი, ამბულატორიულ პოლიკლინიკური გაერთიანება, კლინიკა ნიუმედი, სამშობიარო სახლი სენა-მედი, შპს სამშობიარო სახლი, პოლიკლინიკური გაერთიანება, შპს ესკულაპი და ვმუშაობთ მათთან სხვადასხვა მიმართულებით.

იმუნიზაცია

სენაკის საზოგადოებრივი ჯანდაცვის ცენტრის იმუნიზაციის ჯგუფი უზრუნველყოფს, ჩვენს სამოქმედო არეალში - კერძოდ სენაკის მუნიციპალიტეტზე დაქვემდებარებულ 15 სოფლის საექიმო ამბულატორიასა და ქალაქის 5 სამედიცინო დაწესებულებას: ბავშვთა საავადმყოფოს, „არქიმედე“-ს კლინიკას, „დიომედ+“ (დევნილთა პოლიკლინიკას), კლინიკა „მკურნალ“-სა და შპს სამშობიარო სახლს „სენამედ“-ს.

ვუზრუნველყოფთ, 0-15 წლის ასაკის ბავშვთა კონტიგენტის ვაქცინაციის გეგმებს და პროფილაქტიკური აცრების ჩატარებას, ასევე აღნიშნულ უბნებში სამუშაო გეგმის მიხედვით, პროგრამის ფარგლებში მონიტორინგის ჩატარებას, რომლის მიზანია აცრების, ვაქცინების, სააღრიცხვო ფორმების წესისამებრ რეგისტრაცია, აცრებით მოცვის მაჩვენებლის განსაზღვრა, დროულობის განსაზღვრა, ვაქცინების დანაკარგის განსაზღვრა ბრძანებით გათვალისწინებული ნორმების მიხედვით.

მონიტორინგის მიმდინარეობისას გამოვლენილი დარღვევების გასწორების გადამოწმება ხდება ხელმოწერით, მითითებული ვადის მიხედვით. აღნიშნულ პერიოდში სერიოზულ დარღვევებს ადგილი არ ჰქონია.

2024 წელს სენაკის მუნიციპალიტეტში ბ.ც.ქ. ვაქცინით უნდა აიცრილიყო სულ 659 ახალშობილი და აიცრა 585 ახალშობილი, რაც შეადგენს 88%. B ჰეპატიტის ვაქცინით აიცრა 585 ახალშობილი ანუ 88%. კომბინირებული ჰექსა ვაქცინით გეგმიური 234 ბავშვიდან აცრა ჩატარდა 228 ბენეფიციარს ანუ 97%. 1 წლის ასაკის 234 ბენეფიციარიდან წ.წ. /წითელა, წითურა, ყბაყურას /საწინააღმდეგო ვაქცინით აიცრა 218 ბენეფიციარი ანუ 93%. 18 თვის ასაკის 240 ბენეფიციარიდან ტეტრა ვაქცინით აიცრა 211 ბენეფიციარი ანუ 88%. ტდ ვაქცინით აიცრა სულ 388 ბენეფიციარი ანუ 96 %.

5 წლის ასაკის ბენეფიციარებიდან მეორადი რევაქცინაცია უნდა ჩატარებულიყო 289 ბენეფიციარზე, აღნიშნულ კონტიგენტზე აიცრა 284 . პროცენტულმა მაჩვენებელმა შეადგინა 98%, წ.წ.ყ. მეორად რევაქცინაციასთან ერთად. 0-1 წლამდე ასაკის ბენეფიციართა

რაოდენობიდან, რაც შეადგენს 234-ს. ჰექსა ვაქცინასთან ერთად როტავირუსული ინფექციის საწინააღმდეგოდ აიცრა 228 ბენეფიციარი ანუ 97%. ხოლო იმავე კონტიგენტის პნევმონიის საწინააღმდეგო ვაქცინაციის მაჩვენებელმა შეადგინა 218 ანუ 73%. 14 წლის ასაკის 402 მოცვის მაჩვენებელი არის 87%.

2024 წელს პაპილომა ვირუსის ვაქცინით იმუნიზაციის მოცვის გეგმა იყო 231 . ჩატარდა აპვ 1-219 ანუ 60%. აპვ -2 219 ანუ 80%, ხოლო აპვ 3-ით - 28%.

წლიური მოცვა 2024 წლის.

	ბცუ სამშ ობია როს სახ ლი	ბ ჰეპა ტ სამშ. სახ ლი	ჰექსა 1	ჰექსა 3	ტეტ რა 18 თვის	ტეტ რა 5 წლი ს	R- 18 წ ლის	R - 2 5 წ ლი ს	წწ ყ 1 წ ლის	წ ყ 5 წ ლი ს	რ ო ტ ა 1	რ ო ტ ა 2	პნევ მოკ ოკი 1	პნე ვმო კოკ ი 3	ტ დ 14 წ ლი ს
ს ე ნა კ ი	90,9 %	93.6 %	89%	82%	82%	87%	82 %	8 7 %	87 %	87 %	74 %	61 %	89%	83%	87 %

„ცივი ჯაჭვის“ განყოფილებიდან გაცემული ვაქცინების მიხედვით შესწავლილ იქნა თითოეულ ვაქცინაზე დანაკარგის კოეფიციენტი და შეადგინა -ბ-ც-ჟ. ვაქცინისათვის 3,7 ჰეპატიტის საწ. ვაქცინისათვის 1,01 ჰექსა ვაქცინისათვის-1. ტ.დ.ვაქცინისათვის 1,4. .წ.წ.ყ. ვაქცინისათვის 1,4 , პაპილომა ვირუსის საწ.ვაქცინისათვის -1. აღნიშნული დანაკარგების კოეფიციენტები შეესაბამება დანაკარგის კოეფიციენტების შესაბამის სტანდარტებს.

წლის ბოლოს გამოთვლილ იქნა 2024 წლისათვის საჭიროების / ასაცრელი მასალების / ცხრილი. ასევე გამოთვლილ იქნა ვაქცინების მინიმალური და მაქსიმალური მარაგის ფორმა და მოთხოვნა გადაეგზავნა დაავადებათა კონტროლის ეროვნულ ცენტრს.

ჩვენს მიერ შედგენილი 2024 წლის სამუშაო გეგმის მიხედვით მონიტორინგი ჩატარდა 15 სოფლის საექიმო ამბულატორიას და ქალაქის სამედიცინო დაწესებულებებს.

2024 წლის შობადობის მაჩვენებელი

	შობადობა სულ	სენაკის მუნიციპალიტეტი			სხვა რაიონი
		ქალაქი	სოფელი	სენაკი სულ	
2020წ	1040	120	102	222	818
2021წ	970	162	95	257	713
2022	775	75	88	163	612
2023	617	88	70	158	459
2024	585	76	53	129	456

საზოგადოებრივი ჯანდაცვის ცენტრში, თანახმად დაავადებათა კონტროლის ეროვნული ცენტრის 2024 წლის მომართვისა, „იმუნიზაციის კვირეულის“ ჩატარების შესახებ, აპრილის ბოლო კვირას ჩატარდა შემდეგი ღონისძიებები: შედგა შეხვედრა ქალაქის სამედიცინო დაწესებულებების უბნის პედიატრებთან, ასევე სოფლის საექიმო ამბულატორიების ამცრელ პერსონალთან, იმუნიზაციის ხარვეზებისა და სამომავლო გეგმების განხილვის მიზნით. ასევე ადგილობრივ ტელევიზიაში განთავსდა სარეკლამო რგოლი იმუნიზაციის კვირეულის მიმდინარეობის შესახებ. ადგილობრივ პრესაში გამოქვეყნდა საინფორმაციო-საგანმანათლებლო სტატია იმუნიზაციის მნიშვნელობაზე. ჩატარდა შეხვედრა სკოლებსა და ბაღებში საინფორმაციო-საგანმანათლებლო იმუნიზაციის მნიშვნელობის შესახებ, ასევე შედგა მოსახლეობის გამოკითხვა და საგანმანათლებლო მასალების გავრცელება იმუნიზაციაზე. ზემოთ აღნიშნული ღონისძიებების ვიდეო და ფოტო მასალა კი განთავსდა სენაკის სჯც ვებ- გვერდზე.

ე პ ი დ ზ ე დ ა მ ხ ე დ ვ ე ლ ო ბ ა

საზოგადოებრივი ჯანდაცვის ცენტრის ეპიდგანყოფილება 2017 წლიდან ჩართულია C ჰეპატიტის ელიმინაციის სახელმწიფო პროგრამაში. ტარდება სკრინინგი სწრაფი ტესტით ყველა სახელმწიფო დაწესებულებასა და მოსახლეობაში.

2024 წელს სენაკის საზოგადოებრივი ჯანდაცვის ცენტრში დაფიქსირდა შემდეგი დაავადებები ქრ, B ჰეპატიტი-15; ქრ. ჰეპატიტი-C-190; დიარეა-89 ; საკვებისმიერი მოშხამვა-3345 ; შიდსი- 17; სიფილისი-40; დაკბენილ -დადორბლილთა რ-ბამ შეადგინა 1199 ; მ/შ. ანტირაბიული მკურნალობის სრული კურსი ჩაიტარა 334 ; პირობითი კურსი-754 ; შეწყვიტა მკურნალობა -149 ; წითელა-7 ,ბრუცელიოზი-5 ლეპტოსპიროზი- 10; ლეიშმანიოზი-3; ქუნთრუშა- 18; ჩუტყვავილა - 21; ეშერიხიოზი-1; A ჰეპატიტი-2; გრიპისმიერი დაავადება-3115; ლაიმის დაავადება-1.

2018 წლიდან სამეგრელო ზემო სვანეთის რეგიონში ამოქმედდა C ჰეპატიტის, აივ ინფექცია- შიდსის და ტუბერკულოზის პილოტური პროგრამა. პროგრამა ითვალისწინებს ამ სამი დაავადების ნაადრევ გამოვლენას, მკურნალობის მართვას შორეული გართულების პრევენციისთვის. პროგრამის სამიზნე კონტიგენტს შეადგენდა მოსახლეობა 18-წლის ზემოთ.

აღნიშნული პილოტური პროგრამა, როგორც გასულ წლებში, 2024 წელსაც წარმატებით განხორციელდა მერიისა და საკრებულოს მხარდაჭერით.

სენაკის საზოგადოებრივი ჯანდაცვის ცენტრი ახორციელებს ამ პროგრამაზე ზედამხედველობას და მონიტორინგს. პროგრამის განმახორციელებლები არიან სამედიცინო დაწესებულებები და სოფლის საექიმო ამბულატორიები.

2024 წელს C ჰეპატიტის ელიმინაციის პილოტური პროგრამის ფარგლებში გაიტესტა 2186 ბენეფიციარი. მათ შორის დადებითი - 7.

სახელმწიფო პროგრამით გამოკვლეულ იქნა -1015 ბენეფიციარი. მათ შორის დადებითი 5

C ჰეპატიტზე დადებით დადასტურებულ პაციენტთაგან შემდგომი კონფირმაციული კვლევა ჩატარდა 21 ბენეფიციარს. მათ შორის მკურნალობაში ჩაერთო -14. მკურნალობაში ჩართვას ელოდება 3.

დედათა და ბავშვთა სახელმწიფო პროგრამით ხორციელდება ორსულთა კვლევა კომბინირებული ტესტ-სისტემით (HCV, HIV, LUES, HBvsAg), რომლითაც 2024 წელს გამოკვლეული იქნა -148 ორსული.

ანტირაბიული მუშაობა 2024 წელი

სენაკის მუნიციპალიტეტში ფუნქციონირებს ორი ანტირაბიული კაბინეტი

მიმდინარე წელს ანტირაბიულ კაბინეტს მიმართა 1192 დაზარალებულმა პირმა, მათ შორის 15 წლამდე ასაკის ბავშვი-20 თითოეულ შემთხვევაზე ჩატარებულია ეპიდკვლევა, ინფორმაცია დროულად მიეწოდება სურსთის ეროვნულ სააგენტოს (ვეტ. სამსახურს). თვის ბოლოს ვაწარმოებთ მონიტორინგს თითოეულ შემთხვევაზე. დაცულია ცივი ჯაჭვის პირობები. გაგვაჩნია შრატებისა და იმუნოგლობულინის მარაგი. დროულად ხდება მარაგების შევსება.

	01	02	03	04	05	06	07	08	09	10	11	12
კონტაქტ.შემთხ.	77	72	68	98	84	102	157	182	127	90	55	84
მ.შ. 15 წლამდე	26	15	15	14	25	33	62	84	38	31	56	24
სრული კურსი	36	22	25	29	25	29	27	38	38	28	9	28
პირობითი	32	50	31	61	45	48	114	113	113	64	39	44
შეწყვეტილი	6	5	10	9	21	11	13	22	24	10	7	8

პარაზიტოლოგიური განყოფილება

პარაზიტოლოგიურ განყოფილებაში მიმდინარეობს ბენეფიციარების კვლევა ჰელმინთებზე და პროტოზოებზე, მათი მკურნალობა, ზედამხედველობა და გამოკვლევები ტარდება გეგმიურად.

პარაზიტოლოგიური განყოფილების მიერ 2024 წელს გამოკვლეულ იქნა 290 პაციენტი. გამოკვლევების შედეგად დაინვაზირებული აღმოჩნდა 205 პაციენტი. აქედან ლამბლიოზი გამოუვლინდა -14, ასკარიდოზი- 0, ენტერობიოზი- 191 .

ყველა დაინვაზირებულ პაციენტს დაენიშნა სათანადო მკურნალობა.

ტუბერკულოზის ეპიდზედამხედველობა

საზოგადოებრივი ჯანდაცვის ცენტრის სამსახურის მიერ წარმოებს ტუბ. კაბინეტის მუშაობის ეპიდ. ზედამხედველობა და მონიტორინგი. 2024 წელს დადასტურდა

ტუბერკულოზის 10 ახალი შემთხვევა. მოძიებულ იქნა კონტაქტირებული -14 პირი და ვახორციელებთ მათზე ზედამხედველობასა და კონტროლს.

პ რ ო ფ ი ლ ა ქ ტ ი კ უ რ ი მ ე დ ი ც ი ნ ა

საზოგადოებრივი ჯანდაცვის ცენტრის პროფილაქტიკური მედიცინის განყოფილება ახორციელებს ბავშვთა სკოლამდელ და სასწავლო-საგანმანათლებლო დაწესებულებებში სანიტარულ-ჰიგიენური ნორმების დაცვაზე ზედამხედველობასა და მონიტორინგს.

მუნიციპალიტეტის სამოქმედო ტერიტორიაზე ფუნქციონირებს საგანმანათლებლო და სააღმზრდელო დაწესებულება: სკოლა- 21 საჯარო და 6- კერძო. ბაღი -27 საჯარო და 5-კერძო. მიმდინარე წლის განმავლობაში სააღმზრდელო და საგანმანათლებლო დაწესებულებაში სანიტარულ-ჰიგიენური ნორმების დაცვის მიზნით მონიტორინგი ჩატარდა-25 ბაგა-ბაღს.(მათ შორის -4კერძო ბაღს). 8 სკოლას-(მათ შორის 2 კერძო სკოლას).

ესთეტიკური და კოსმეტიკური პროცედურების დროს ინფექციური დაავადებების გავრცელების პრევენციისა და საზოგადოებრივი ჯანმრთელობის უსაფრთხოების უზრუნველყოფის მიზნით, ჩატარდა მონიტორინგი. სულ ფუნქციონირებს 48 სალონი . მ/წელს მონიტორინგი ჩატარდა-32 სილამაზის სალონს. მოვეცით რეკომენდაციები რეგლამენტის შესაბამისად. შევსებულია თითოეული სალონის შემოწმების აქტები და მიცემულ იქნა პერიოდი მდგომარეობის გამოსასწორებლად, აღმოჩენილი მცირე დარღვევები აღმოფხვრილია.

„ცხოვრების ჯანსაღი წესის დამკვიდრება“ შემეცნებითი სახით საგანმანათლებლო ხასიათს ატარებს. ემსახურება გადამდებ და არა გადამდებ დაავადებათა პრევენციას ცხოვრების ჯანსაღი წესის დამკვიდრების საკითხებში.

საზოგადოებრივი ჯანდაცვის ცენტრში მერიისა და საკრებულოს ხელშეწყობით, პერიოდულად მიმდინარეობს სხვადასხვა პროფილის ექმთა კონსულტაციები და მოსახლეობის უფასო კვლევები.

საზოგადოებრივი ჯანდაცვის ცენტრის მიერ განხორციელებული ყველა ღონისძიება და სტრატეგია განსაზღვრულია საქართველოს შრომის, ჯანმრთელობისა და სოციალური დაცვის სამინისტროს მიერ განსაზღვრული კანონმდებლობით.

„ც ი ვ ი ჯ ა ჭ ვ ი და ლ ო ჯ ი ს ტ ი კ ა“

„ცივი ჯაჭვის“ლოჯისტიკის განყოფილების მიერ 2024 წელს სამედიცინო დაწესებულებებსა და სოფლის საექიმო ამბულატორიებზე გაიცა შემდეგი სახის

ვაქცინები: ბ.ც.ჟ - 1920 დოზა, ჰექსა- 547 დოზა, წ.წ.ყ.- 574 დოზა, B-ჰეპატიტი- 550 დოზა, როტა-485 დოზა, პნევმოკოკი- 536 დოზა, პაპილომა ვირუსი- 284 დოზა. ტ.დ.- 990 დოზა, ტეტრაქსიმი -485, ანტირაბიული- 3010 დოზა, ანტირაბიული იმუნოგლობულინი -750 დოზა, სკრ კომბინირებული ტესტი -148ცალი.

2024 წელს მიღებული გვქონდა გრიპის ვაქცინა სულ-1660 დოზა, რომელიც გაცემულ იქნა სამედიცინო დაწესებულებებსა და სოფლის საექიმო ამბულატორიებზე. ვაქცინაცია ჩაუტარდა 1600 ბენეფიციარს.

2024 წლის სამუშაო გეგმის მიხედვით შემოწმდა სოფლის საექიმო ამბულატორიასა და სამედიცინო დაწესებულებებში „ცივი ჯაჭვის“ პრინციპი. / ვაქცინების და გამხსნელების ვარგისიანობა /და ფორმა 1.7-ის ტემპერატურის აღრიცხვიანობა. ყოველი თვის ბოლოს ყველა დაწესებულებებიდან მიღებული ფორმა 1.8 -ის საფუძველზე გაკეთდა ჩატარებული აცრების ანგარიში.

ენტომოლოგიური განყოფილება

სენაკის მუნიციპალიტეტის ტერიტორიაზე ყოველწლიურად მიმდინარეობს სეზონურად ანტიმალარიული საბონიფიკაციო სამუშაოები. კერძოდ, დევნილთა ჩასახლებაში (ყოფილი სამხედრო ქალაქი) მიმდინარეობს ორ ეტაპად, პირველი ეტაპი მაისი-ივნისის თვეში, მეორე- ივლისი- აგვისტოს თვეში.

დაავადებათა კონტროლისა და საზოგადოებრივი ჯანდაცვის ეროვნული ცენტრის მიერ ყოველ წელს, უსასყიდლოდ გადმოგვცემა ანტიმალარიული პრეპარატი სოლფაკი-ინსექტიციდი, რომელიც გამოიყენება მწერების საწინააღმდეგოდ, კერძოდ კოლო ანოფელესის, რომელიც მალარიის გადამტანია. სწორედ, მალარიის პრევენციისთვის გამოიყენება აღნიშნული პრეპარატი.

2024 წელს სენაკის მუნიციპალიტეტის სამხედრო ქალაქის (დევნილთა დასახლება) დამუშავდა საცხოვრებელი კორპუსის, სადარბაზოები და სარდაფები, სკოლისა და ბაღის ტერიტორია.

მაისის თვეში მიღებული გვქონდა 60 კგ სოლფაკი. მაისიდან-აგვისტოს ჩათვლით დამუშავდა 120 000 კვ.მ. ფართობი, რისთვისაც გაიხარჯა 60 კლ. სოლფაკი (50გრ. სოლფაკი იხსნება 8ლ. წყალში და მუშავდება 100კვ.მ ფართობი).

2025 წლის 23 იანვარს, მსოფლიო ჯანდაცვის ორგანიზაციამ (WHO) საქართველო მალარიისგან თავისუფალ ქვეყნად აღიარა და მოხტა სერთიფიცირება.

სამომავლო გეგმები:

1. დაავადებათა პრევენცია და მათი ადრეული გამოვლინება.
2. საგანგებო სიტუაციების დროს რისკების იდენტიფიცირება საზოგადოებაში.
3. ეპიდსიტუაციის მართვა.
4. სამიზნე კონტიგენტის აცრებით მაქსიმალური მოცვა, რათა ელიმინირებულ იქნას ისეთი დაავადებები, როგორიცაა: დიფტერია, პოლიომიელიტი, წითელა, ყბაყურა, წითურა, ყვიანახველა, ტეტანუსი, ჰიდროფოფია, სალმონელოზი, ჰეპატიტი-A, ბაქტერიული მენინგიტი.
5. მუნიციპალიტეტის ტერიტორიაზე განთავსებული საზოგადოებრივი მნიშვნელობის დაწესებულებებში სანიტარული ნორმების დაცვის ზედამხედველობის გაძლიერება.
6. მოსახლეობის სანიტარული ცოდნის ამაღლება, რაც თავისთავად ხელს შეუწყობს მრავალი დაავადების პროფილაქტიკას.
7. გრძელდება პილოტური პროგრამა, რაშიც მივიღებთ აქტიურ მონაწილეობას, რომლის მიზანია აივ-ინფექცია -შიდსის, C-ჰეპატიტის, ტუბერკულოზის გამოვლენა პირველად ჯანდაცვაში და მათი დროული ჩართვა უფასო მკურნალობის პროგრამაში.

ფინანსური ანგარიში

2024 წელს სენაკის საზოგადოებრივი ჯანდაცვის ცენტრი ადგილობრივი ბიუჯეტიდან დაფინანსდა 295 330 ლარით.

N	ღონისძიებათა დასახელება	თანხა
1	მომსახურეთა შრომის ანაზრაურება	264869
2	მივლინება	2000
	ოფისის ხარჯები	28461

3		
3.1	საკანცელარიო ნივთების შეძენა	2000
3.2	სხვა საქონელი და მომსახურება	26461

ა(ა)იპ სენაკის მუნიციპალიტეტის საზოგადოებრივი

ჯანდაცვის ც/დირექტორი:



/ა.ჭიჭაძე/